



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ
Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

26 հունվարի 2026 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Հ.ԳՐԻԳՈՐՅԱՆԻ
Ա.ԴԱՆԻԵԼՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

ուսումնասիրելով թիվ ՇԴ/0761/01/25 քրեական վարույթի տարածքային ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2026 թվականի հունվարի 12-ի որոշումը,

Պ Ա Ր Զ Ե Ց

Վարույթի դատավարական նախապատմությունը.

1. 2025 թվականի դեկտեմբերի 15-ին Շիրակի մարզի առաջին ատյանի ընդհանուր իրավասության դատարանում ստացվել է Էքրամադին Դորբանիի վերաբերյալ՝ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով

(2 դրվագ), Մահգոլ Իսայիի վերաբերյալ՝ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով (2 դրվագ), Մասուդ Նազարիի վերաբերյալ՝ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով (2 դրվագ), Նաջիրա Քարիմիի վերաբերյալ՝ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով (2 դրվագ), Սաիդոահման Նազարիի վերաբերյալ՝ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով (2 դրվագ) և Սեիրաջադին Նազարիի վերաբերյալ՝ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով (2 դրվագ) թիվ 45121425 (ՇԴ/0761/01/25) քրեական վարույթը:

Շիրակի մարզի առաջին ատյանի ընդհանուր իրավասության դատարանը (դատավոր՝ Ա.Շտոյան) 2025 թվականի դեկտեմբերի 17-ին որոշում է կայացրել թիվ ՇԴ/0761/01/25 քրեական վարույթն ստանձնելու և նախնական դատալսումներ նշանակելու մասին:

2. Շիրակի մարզի առաջին ատյանի ընդհանուր իրավասության դատարանը 2025 թվականի դեկտեմբերի 25-ին նախնական դատալսումների ընթացքում որոշում է կայացրել թիվ ՇԴ/0761/01/25 քրեական վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին:

3. Երևան քաղաքի առաջին ատյանի ընդհանուր իրավասության քրեական դատարանը (դատավոր՝ Գ.Պողոսյան) 2026 թվականի հունվարի 12-ին որոշում է կայացրել թիվ ՇԴ/0761/01/25 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2026 թվականի հունվարի 19-ին:

Ընդդատության վերաբերյալ հարցը լուծելու համար Էական նշանակություն ունեցող փաստական հանգամանքները.

5. 2025 թվականի նոյեմբերի 5-ի որոշմամբ Էքրամադին Ղորբանիի նկատմամբ ՀՀ քրեական օրենսգրքի 44-469-րդ հոդվածի 3-րդ մասի 2-րդ կետով (2 դրվագ) հանրային քրեական հետապնդում է հարուցվել այն բանի համար, որ «նա, նախնական համաձայնության գալով Աֆղանստանի Իսլամական Էմիրության քաղաքացիներ Սաիդոահման Նազարիի, Մասուդ Նազարիի, Սեիրաջադին Նազարիի, Մահգոլ Իսայիի և Նաջիրա Քարիմիի հետ, խմբի կազմում, ինչպես նաև

քրեական պատասխանատվության տարիքի չհասած՝ Ֆ.Ն.-ի /ծնվ. 03.04.2013թ./, Ա.Ն.-ի /ծնվ. 03.03.2016թ./, Ս.Ն.-ի /ծնվ. 19.12.2019թ./, Ա.Ն.-ի /ծնվ. 18.12.2022թ./ և Ս.Ն.-ի /ծնվ. 27.05.2014/՝ ՀՀ պետական սահմանն ապօրինի հատելը կազմակերպելու դիտավորությամբ, 2025 թվականի նոյեմբերի 3-ին՝ ժամը 23:04-ի սահմաններում Շիրակի մարզի Գեղաշեն գյուղի վարչական տարածքում գրավող ՌԴ ԱԴԾ ՍՎ թիվ 39 ՍՋ «Գեղաշեն» սահմանապահ ուղեկալի պահպանվող թիվ 105 սահմանային նիշի մոտակա տարածքով խախտելով «Պետական սահմանի մասին» ՀՀ օրենքի 11-րդ հոդվածի և «ՀՀ պետական սահմանի ռեժիմ սահմանելու մասին» ՀՀ կառավարության 2011 թվականի մայիսի 12-ի թիվ 702-Ն որոշման պահանջները ապօրինի՝ առանց սահմանված փաստաթղթերի և պատշաճ թույլտվության Հայաստանի Հանրապետության տարածքից փորձել են հատել ՀՀ պետական սահմանը և մուտք գործել Թուրքիայի Հանրապետություն, սակայն իրենց դիտավորության մեջ ընդգրկված հանցագործությունները նրանց կամքից անկախ հանգամանքներով չեն իրագործվել, քանի որ հայտնաբերվել են ՀՀ-ում ՌԴ ԱԴԾ ՍՎ թիվ 39 ՍՋ «Գեղաշեն» ուղեկալի ծառայողների կողմից (...)»¹:

5.1. 2025 թվականի նոյեմբերի 5-ի որոշումներով նույնաբովանդակ ենթադրյալ արարքների համար քրեական հետապնդում է հարուցվել նաև մեղադրյալներ Մահգոլ Իսայիի, Մասուդ Նազարիի, Նաջիրա Քարիմիի, Սաիդուհման Նազարիի և Սեիրաջադին Նազարիի նկատմամբ²:

6. Շիրակի մարզի առաջին ատյանի ընդհանուր իրավասության դատարանը 2025 թվականի դեկտեմբերի 25-ի որոշմամբ արձանագրել է հետևյալը. «(...) Մեղադրյալների պաշտպանները՝ Ա.Հունանյանը և Էդ.Մուրադյանը միջնորդեցին քրեական վարույթն ըստ տարածքային ընդդատության փոխանցել Երևան քաղաքի առաջին ատյանի ընդհանուր իրավասության քրեական դատարանին այն պայմանադրությամբ, որ վարույթի մասնավոր մասնակիցները՝ մեղադրյալներ՝ Էքրամադին Ղորբանին, Մասուդ Նազարին, Սաիդուհման Նազարին և Սեիրաջադին Նազարին որպես կալանավորված անձ գրավում են ՀՀ ԱՆ «Նուբարաշեն» քրեակարարողական հիմնարկում, իսկ մյուս մեղադրյալներ՝ Մահգոլ Իսային և Նաջիրա Քարիմին իրենց անչափահաս երեխաների հետ միասին

¹ Տե՛ս վարույթի նյութեր, հատոր 2, թերթեր 168-170:

² Տե՛ս վարույթի նյութեր, հատոր 2, թերթեր 138-140, 144-146, 150-152, 156-158, 162-164:

բնակվում են ***** գրնվող կացարանում, այսինքն՝ վարույթի մասնավոր մասնակիցների մեծամասնությունը բնակվում է առաջին արյանի մեկ այլ դարարանի դարական տարածքում(...):

Մեղադրյալները հայրենեցին, որ համաձայն են, որ վարույթն ըստ ընդդարության փոխանցվի Երևան քաղաքի առաջին արյանի ընդհանուր իրավասության քրեական դարարանին: Մեղադրյալ Նաջիրա Քարիմին հայրենեց, որ ունի փոքր երեխաներ և ամեն անգամ իր Շիրակի մարզի առաջին արյանի ընդհանուր իրավասության դարարան ներկայանալը դժվարություններ կառաջացնի, իսկ մեղադրյալ Մահգոլ Բսային հայրենեց, որ ունի առողջական խնդիրներ, տարեց կին է և իր համար դժվար կլինի ամեն անգամ Երևանից գալ Գյումրի քաղաք դարական նիստին մասնակցելու համար և խնդրում է, որ գործն ըստ ընդդարության փոխանցվի Երևան քաղաքի դարարանին (...):

Դարարանն արձանագրում է, որ մեղադրական եզրակացությանը կից ներկայացված վարույթին ներգրավված բոլոր անձանց կարգավիճակի և վերաբերելի անձնական տվյալների մասին տեղեկանքի ուսումնասիրությունից պարզ է դառնում, որ վարույթի մասնավոր մասնակիցներից՝ մեղադրյալներ՝ Էքրամադին Ղորբանին, Մասուդ Նազարին, Սաիդուսիման Նազարին և Սեիրաջադին Նազարին գրնվում են Երևան քաղաքի ՀՀ ԱՆ «Նուրարաշեն» քրեակարարողական հիմնարկում, իսկ մեղադրյալներ՝ Մահգոլ Բսային և Նաջիրա Քարիմին բնակվում են *.****, ***** ** հասցեում, այսինքն՝ վարույթի մասնավոր մասնակիցների մեծամասնությունը՝ վեց մեղադրյալները, փաստացի բնակվում են առաջին արյանի մեկ այլ դարարանի՝ Երևան քաղաքի առաջին արյանի ընդհանուր իրավասության քրեական դարարանի դարական տարածքում, մեղադրյալներն էլ բոլորը իրենց համաձայնությունն են տվել գործի տարածքային ընդդարությունը փոխելու առնչությամբ և հաշվի առնելով նաև քրեական գործի տարածքային ընդդարությունը փոխելու հայեցողական լիազորությունը, արդարադարության շահը, այդ թվում՝ գործը ողջամիտ ժամկետում քննելու սկզբունքի ապահովման անհրաժեշտությունը, Դարարանը գրնում է, որ պաշտպանների միջնորդությունը պետք է բավարարել, և քրեական վարույթն ըստ

փարածքային ընդդատության փոխանցել Երևան քաղաքի առաջին ատյանի ընդհանուր իրավասության քրեական դատարանին (...)³:

7. Երևան քաղաքի առաջին ատյանի ընդհանուր իրավասության քրեական դատարանը 2026 թվականի հունվարի 12-ի որոշմամբ արձանագրել է հետևյալը. «(...) Դատարանը հարկ է համարում արձանագրել, որ թիվ ՇԴ/0761/01/25 քրեական գործի փարածքային ընդդատությունը փոխվել և վարույթը Երևան քաղաքի առաջին ատյանի ընդհանուր իրավասության քրեական դատարան փոխանցվել չէր կարող, քանի որ նախ ՀՀ քրեական դատավարության օրենսգրքի 261-րդ հոդվածի 5-րդ մասի համաձայն՝ փարածքային ընդդատությունը բոլոր մեղադրյալների համաձայնությամբ կարող է փոխվել ոչ թե այն դեպքում, ինչպես որ իր որոշմամբ նշել է Շիրակի մարզի առաջին ատյանի ընդհանուր իրավասության դատարանը, երբ վարույթի մասնավոր մասնակիցների և վկաների մեծամասնությունը գտնվում է առաջին ատյանի մեկ այլ դատարանի դատական փարածքում, այլ այն դեպքում, երբ վարույթի մասնավոր մասնակիցների և վկաների մեծամասնությունը բնակվում է առաջին ատյանի մեկ այլ դատարանի դատական փարածքում:

Տվյալ դեպքում հարկ է արձանագրել, որ գտնվելը, բնակվելը և պահվելը փարքեր եզրույթներ են և ունեն միմյանցից ակնհայտորեն փարքեր իմաստներ:

Այսուհանդերձ Դատարանը հարկ է համարում արձանագրել, որ մեղադրյալներ Էքրամադին Ղորբանին, Մասուդ Նազարին, Սաիդուհաման Նազարին և Սեիրաջադին Նազարին ոչ թե բնակվում են Երևան քաղաքում, այլ իրենց կամքից անկախ՝ հաշվի առնելով, որ վերջիններիս նկարմամբ որպես խափանման միջոց է կիրառված կալանքը, պահվում են Երևան քաղաքում գտնվող ՀՀ ԱՆ «Նուբարաշեն» քրեակարարողական հիմնարկում, որպիսի պարագայում, ինչպես վերը նշված քրեակարարողական հիմնարկն, այնպես էլ կիրառված խափանման միջոցը, քրեական գործի քննության ընթացքում կարող են փոփոխվել, հետևաբար վերոգրյալն արդեն իսկ բավարար է հանգելու հետևության, որ վարույթի փարածքային ընդդատությունը փոխելու մասին Շիրակի մարզի առաջին ատյանի ընդհանուր իրավասության դատարանի որոշումը չի բխում արդարադատության շահից: (...)

³ Տե՛ս վարույթի նյութեր, հատոր 4, թերթեր 88-93:

Ավելին՝ եթե Շիրակի մարզի առաջին արյանի ընդհանուր իրավասության դարարանն այդչափ մրահոգված էր արդարադարության շահով, ապա զրկված չէր և կարող էր ձեռնարկել համապարասիսան միջոցներ մեղադրյալներ Էքրամադին Դորբանիի, Մասուդ Նազարիի, Սաիրոսահման Նազարիի և Սեիրաջադին Նազարիի պահման վայրը՝ ՀՀ ԱՆ «Նուրարաշեն» քրեակարարողական հիմնարկը, ՀՀ ԱՆ «Արթիկ» քրեակարարողական հիմնարկով փոխելու ուղղությամբ, քանի որ ինչպես բխում է դարական պրակտիկայից, դարարանների համապարասիսան գրությունների հիման վրա, ՀՀ քրեակարարողական ծառայությունը ձեռնարկում է համապարասիսան միջոցներ և տեղափոխում է, այդ թվում արդարադարության շահով և պերական միջոցների հաշվին անձանց ուղեկցումն ապահովելու ծախսերի կրճարման նպարակով, կալանավորված անձանց քրեական գործը քննող համապարասիսան դարարանի դարական տարածքին ավելի մոտ գտնվող քրեակարարողական հիմնարկ:

Բացի վերը նշվածներից Դարարանը հարկ է համարում արձանագրել նաև, որ մեղադրյալների շահերի պաշտպանները՝ փաստաբաններ Ա.Հունանյանը և Էդ.Մուրադյանը հանդիսանում են ՀՀ փաստաբանների պալատի Շիրակի մարզի հանրային պաշտպանի գրասենյակի փաստաբաններ, այսինքն՝ թեև սույն քրեական գործում առկա չէ վերջիններիս բնակության վայրի վերաբերյալ տվյալներ, սակայն հաշվի առնելով, որ փաստաբաններ Ա.Հունանյանը և Էդ.Մուրադյանը հանդիսանում են ՀՀ փաստաբանների պալատի Շիրակի մարզի հանրային պաշտպանի գրասենյակի փաստաբաններ, ուստի ենթադրելի է, որ վերջիններիս բնակության վայրերը չեն գտնվում Երևան քաղաքի առաջին արյանի ընդհանուր իրավասության քրեական դարարանի դարական տարածքում:

Ինչ վերաբերում է մեղադրյալներ Մահգոլ Բասյիի և Նաջիբ Քարիմիի՝ Երևան քաղաքի առաջին արյանի ընդհանուր իրավասության քրեական դարարանի դարական տարածքում բնակվելուն, ապա այդ մասով ուշադրության է արժանի այն հանգամանքը, որ վերջիններս ՀՀ-ում չունեն մշտական բնակության վայր, ավելին՝ ինչպես բխում է սույն քրեական գործի նյութերից վերջիններս սույն քրեական գործի քննության ընթացքում առնվազն մեկ անգամ արդեն իսկ փոխել են իրենց բնակության վայրը և չի բացատրվում, որ ապագայում ևս հաշվի առնելով այն, որ ՀՀ քաղաքացի չեն հանդիսանում, ՀՀ-ում մշտական բնակության վայր և

սոցիալական կապեր չունեն, կարող են կրկին փոխել իրենց բնակության վայրը, այդ թվում բնակություն հաստատելով Շիրակի մարզի առաջին արյանի ընդհանուր իրավասության դատարանի դատական փարածքում:

Այսպիսով ամբողջացնելով վերոգրյալները՝ հարկ է արձանագրել նաև, որ Շիրակի մարզի առաջին արյանի ընդհանուր իրավասության դատարանի որոշման փրամաքանությամբ առաջնորդվելու պարագայում, կարող է սրեղծվել մի իրավիճակ, որ այն դատարանները, որոնց դատական փարածքում առկա չէ քրեակարարողական հիմնարկ և քրեական գործով բացի կալանավորված մեղադրյալից և/կամ մեղադրյալներից այլ մասնավոր մասնակիցներ առկա չեն, ապա այդ դատարանները չպետք է քննեն այդպիսի քրեական գործեր:

Ավելին՝ Շիրակի մարզի առաջին արյանի ընդհանուր իրավասության դատարանի որոշման փրամաքանությամբ առաջնորդվելու պարագայում, եթե հետագայում կալանքի տակ գտնվող և ՀՀ ԱՆ «Նուբարաշեն» քրեակարարողական հիմնարկում պահվող սույն քրեական գործով մեղադրյալներ Էքրամադին Ղորբանիի, Մասուդ Նազարիի, Սաիդուսհման Նազարիի և Սեիրաջադին Նազարիի պահման վայրը փոխարինվի օրինակ՝ ՀՀ ԱՆ «Արմավիր» քրեակարարողական հիմնարկով, ապա Երևան քաղաքի առաջին արյանի ընդհանուր իրավասության քրեական դատարանն էլ իր հերթին կարող է սույն քրեական գործն ըստ փարածքային ընդդատության փոխանցել Արմավիրի մարզի առաջին արյանի ընդհանուր իրավասության դատարան, ինչը Դատարանի գնահատմամբ չի կարող համարվել իրավաչափ և չի կարող բխել արդարադատության շահից ու կարող է սրեղծել քրեական գործի շրջապարույր, քանի որ քրեական գործի փարածքային ընդդատությունը կարող է փոխվել միայն քացադիկ դեպքերում, երբ բավարար փաստական փյվյալների վկայակոչմամբ համոզիչ կերպով կհիմնավորվի ընդդատությունը փոխելու համար առաջադրվող պայմանների առկայությունը, այլ ոչ այն կպայմանավորվի տեխնիկական տեսանկյունից մեղադրյալի և/կամ մեղադրյալների իրենց կամքից անկախ համապատասխան քրեակարարողական հիմնարկում պահվելով (...)⁴:

⁴ Տե՛ս վարույթի նյութեր, հատոր 4, թերթեր 136-138:

Վճռարեկ դատարանի քրեական պալատի հիմնավորումները և եզրահանգումը.

8. Սույն վարույթով բարձրացված իրավական հարցը հետևյալն է. հիմնավոր՞ է արդյոք Շիրակի մարզի առաջին ատյանի ընդհանուր իրավասության դատարանի կողմից թիվ ՇԴ/0761/01/25 քրեական վարույթի տարածքային ընդդատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին որոշումը:

9. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

10.1. Մարդու իրավունքների եվրոպական դատարանը, *«օրենքի հիման վրա սրեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»⁵:*

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ *«Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁶:*

⁵ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁶ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

11. Վճռաբեկ դատարանն անձի՝ օրենքի հիման վրա ստեղծված դատարանի կողմից իր գործի քննության իրավունքի հիմնարար նշանակության վերաբերյալ իրավական դիրքորոշում է ձևավորել *Գևորգ Հարությունյանի* որոշմամբ⁷:

12. ՀՀ քրեական դատավարության օրենսգրքի 261-րդ հոդվածի 5-րդ մասի համաձայն՝ *«Տարածքային ընդդատությունը բոլոր մեղադրյալների համաձայնությամբ կարող է փոխվել, եթե վարույթի մասնավոր մասնակիցների և վկաների մեծամասնությունը քնակվում է առաջին ատյանի մեկ այլ դատարանի դատական տարածքում: Ընդդատությունը փոխելու որոշումն ընդունում է մեղադրանքը քննող դատարանը»*:

Նույն օրենսգրքի 263-րդ հոդվածի համաձայն՝ *«(...) 4. Վարույթն ըստ տարածքային ընդդատության սրացած առաջին ատյանի ընդհանուր իրավասության դատարանը մինչև նախնական դատախազի նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատ ուղարկելու մասին, եթե համաձայն չէ վարույթի տարածքային ընդդատությանը:*

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի տարածքային ընդդատության հարցը: (...)»:

12.1. Անհրաժեշտ է ընդգծել, որ ընդդատությունը փոխելու վերոնշյալ հայեցողական լիազորությունը կարող է գործադրվել բացառիկ դեպքերում, երբ բավարար փաստական տվյալների վկայակոչմամբ համոզիչ կերպով կհիմնավորվի ընդդատությունը փոխելու՝ օրենսդրի կողմից առաջադրվող պայմանների առկայությունը, ինչպես նաև քրեական վարույթի տարածքային ընդդատությունը փոխելու անհրաժեշտությունը՝ արդարադատության շահի տեսանկյունից: Հետևաբար, այս նորմը պետք է մեկնաբանվի ընդդատության հիմնարար արժեքի իրավական նշանակությանը համապատասխան, այն չպետք է ենթարկվի լայն մեկնաբանության և հիմք հանդիսանա առերևույթ կամայականության համար:

13. Սույն վարույթի նյութերի ուսումնասիրությունից երևում է, որ՝

⁷ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

- Շիրակի մարզի առաջին ատյանի ընդհանուր իրավասության դատարանը, փաստելով, որ վարույթի մասնավոր մասնակիցներից՝ մեղադրյալներ՝ Էքրամադին Ղորբանին, Մասուդ Նազարին, Սաիդոահման Նազարին և Սեիրաջադին Նազարին գտնվում են ՀՀ արդարադատության նախարարության «Նուբարաշեն» քրեակատարողական հիմնարկում, իսկ մեղադրյալներ՝ Մահգոլ Իսային և Նաջիբա Քարիմին իրենց անչափահաս երեխաների հետ բնակվում են ***** , այսինքն՝ վարույթի մասնավոր մասնակիցների մեծամասնությունը բնակվում է առաջին ատյանի մեկ այլ դատարանի դատական տարածքում, ինչպես նաև այն, որ մեղադրյալներն իրենց համաձայնությունն են հայտնել վարույթն ըստ ընդդատության Երևան քաղաքի առաջին ատյանի ընդհանուր իրավասության քրեական դատարան փոխանցելուն, որոշում է կայացրել քրեական վարույթի տարածքային ընդդատությունը փոխելու և վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելու մասին⁸:

- Երևան քաղաքի առաջին ատյանի ընդհանուր իրավասության քրեական դատարանը, փաստելով, որ մեղադրյալներ Էքրամադին Ղորբանին, Մասուդ Նազարին, Սաիդոահման Նազարին և Սեիրաջադին Նազարին ոչ թե բնակվում են Երևան քաղաքում, այլ իրենց կամքից անկախ՝ կալանավորված լինելու հանգամանքից ելնելով, պահվում են Երևան քաղաքում գտնվող ՀՀ արդարադատության նախարարության «Նուբարաշեն» քրեակատարողական հիմնարկում, իսկ մեղադրյալներ Մահգոլ Իսային և Նաջիբա Քարիմին, արդեն մեկ անգամ իրենց բնակության վայրը փոխած լինելով, ՀՀ-ում մշտական բնակության վայր և սոցիալական կապեր չունենալով, կարող են ապագայում կրկին փոխել իրենց բնակության վայրը՝ այդ թվում բնակություն հաստատելով Շիրակի մարզի առաջին ատյանի ընդհանուր իրավասության դատարանի դատական տարածքում, իսկ մեղադրյալների պաշտպանությունն իրականացնող փաստաբաններ Ա.Հունանյանը և Էդ.Մուրադյանը հանդիսանում են ՀՀ փաստաբանների պալատի Շիրակի մարզի հանրային պաշտպանի գրասենյակի փաստաբաններ, ուստի ենթադրելի է, որ վերջիններիս բնակության վայրերը չեն գտնվում Երևան քաղաքի առաջին ատյանի ընդհանուր իրավասության քրեական դատարանի դատական տարածքում, եկել է

⁸ Տե՛ս սույն որոշման 6-րդ կետը:

հետևության առ այն, որ վարույթի տարածքային ընդդատությունը փոխելը չի բխում արդարադատության շահից⁹:

14. Սույն վարույթի փաստական հանգամանքները գնահատելով վերոշարադրյալ իրավադրույթների և իրավական դիրքորոշումների լույսի ներքո՝ Վճռաբեկ դատարանի քրեական պալատն արձանագրում է, որ Շիրակի մարզի առաջին ատյանի ընդհանուր իրավասության դատարանը, ղեկավարվելով ՀՀ քրեական դատավարության օրենսգրքի 261-րդ հոդվածի 5-րդ մասով սահմանված՝ քրեական վարույթի տարածքային ընդդատությունը փոխելու լիազորությամբ, քրեական վարույթի տարածքային ընդդատությունը մեղադրյալների համաձայնությամբ փոխել և վարույթը Երևան քաղաքի առաջին ատյանի ընդհանուր իրավասության քրեական դատարան է փոխանցել ՀՀ քրեական դատավարության օրենսգրքի պահանջների պահպանմամբ: Մասնավորապես, սույն վարույթին ներգրավված են ութ մասնավոր մասնակիցներ, որոնց մեծամասնությունը՝ վեց անձ, ներկայում փաստացի բնակվում (գտնվում) է Երևան քաղաքի առաջին ատյանի ընդհանուր իրավասության դատարանի դատական տարածքում:

Այսպես, սույն քրեական վարույթի նյութերի ուսումնասիրությունից երևում է, որ մեղադրյալները Հայաստանի Հանրապետությունում մշտական բնակության վայր չունեն, նրանցից Էքրամադին Դորբանին, Մասուդ Նազարին, Սաիդոահման Նազարին և Սեիրաջադին Նազարին ներկայում հանդիսանում են ՀՀ արդարադատության նախարարության «Նուբարաշեն» քրեակատարողական հիմնարկի կալանավորներ¹⁰, իսկ Մահգոլ Իսային և Նաջիբ Քարիմին հինգ անչափահաս երեխաների հետ բնակվում են Երևան քաղաքում՝ *****

*****¹¹: Վերոգրյալի հաշվառմամբ՝ Վճռաբեկ դատարանի քրեական պալատը գտնում է, որ քրեական վարույթի տարածքային ընդդատությունը փոխելը և քրեական վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելը տվյալ դեպքում բխում է արդարադատության շահի պաշտպանության և

⁹ Տե՛ս սույն որոշման 7-րդ կետը:

¹⁰ Տե՛ս վարույթի նյութեր, հատոր 3, թերթեր 31, 42, 63 և 74:

¹¹ Տե՛ս վարույթի նյութեր, հատոր 4, դատական նիստի արձանագրություն, թերթ 39:

վարույթի արդարացիության ապահովման՝ ողջամիտ ժամկետում քննության անհրաժեշտությունից:

15. Վերոշարադրյալի հիման վրա, Վճռաբեկ դատարանի քրեական պալատն արձանագրում է, որ Շիրակի մարզի առաջին ատյանի ընդհանուր իրավասության դատարանի կողմից թիվ ՇԴ/0761/01/25 քրեական վարույթի տարածքային ընդդատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության դատարան փոխանցելու մասին որոշումը հիմնավոր է:

16. Ամփոփելով, Վճռաբեկ դատարանի քրեական պալատը գտնում է, որ սույն քրեական վարույթն ըստ ընդդատության պետք է փոխանցել Երևան քաղաքի առաջին ատյանի ընդհանուր իրավասության քրեական դատարան:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

Ո Ր Ո Շ Ե Ց

Թիվ ՇԴ/0761/01/25 քրեական վարույթն ըստ ընդդատության ուղարկել Երևան քաղաքի առաջին ատյանի ընդհանուր իրավասության քրեական դատարան:

Նախագահող՝ _____ Հ.ԱՍԱՏՐՅԱՆ

Դատավորներ՝ _____ Ս.ԱՎԵՏԻՍՅԱՆ

_____ Հ.ԳՐԻԳՈՐՅԱՆ

_____ Ա.ԴԱՆԻԵԼՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ